

LA PUNT



Infuormaziuns da la corporaziun evangelica Ardez - Ftan - Guarda



MAI, GÜN, LÜGL
2025



«Be quel chi perda la spranza perda tuot»

Quista frasa m'accompogna adüna darcheu. Scritta o plüchöntsch ingravada cun gronds custabs sün mürs massivs da veglias chasas engiadinaisas discuorra ella dad alch enormamaing prezius: la spranza. Sco üna fluor es la spranza vulnerabla, ma eir ferma al listess mumaint. La spranza am para sco üna minchületta chi'd es la prüma fluor chi



dschermüglia - dafatta amo dūrant l'ultima naiv - davo lungs mais da naiv e glatsch. Ella es buna da crescer cun ün'enorma forza es our dal fraid e s-chür.

Fraid e s-chür esa minchatant eir in mai, cur ch'eu dod e leg novitats davart guerras e fūgias, davart manzōgnas e manipulaziuns o davart masūras da spargn pro l'agūd umanitar chi toccan ils plü vulnerabels. Eu bram davo la chalur chi po alguantar quist glatsch, e pens a la

minchületta cun sia forza da chattar sia via per prüir e dvantar üna fluor.

Ed eu pens ad ün purtret famigliar our da la Bibla, il purtret dal gran sinavel. Quist gran es fich pitschen e fin, però sia planta dvainta fich gronda e ferma. Eu vez ün chomp plain sanav - gelg, ferm, glüschaint – e quai es ün bel purtret. Ün purtret per la spranza chi sumaglia



minchatant ad ün sem pitschen e vulnerabel. Eu sun persvasa cha'l sem da la spranza po crescer e dvantar grond tanter da nus scha nus til dain inavant per chi po uschè crescer ün grond chomp gelg chi splendura. Ferm, glüschaint, curaschus e creschü our da pitschens sems plain forza. Sumgliaint al gran sinavel o ad üna minchületta.

rav. Marianne Strub

Revista «Di da schoppa»

dumengia, ils 16 da marz 2025 a Ftan

Ün cordial «grazcha fich!» pel grond sustegn cha la campagna ecumenica annuala da «HEKS» e «Fastenaktion», cul tema *Fom maglia l'avegnir*, ha survgni. Quist on vaina pudü celebrar in ruduond 40 persunas ün bel di da schoppa cumünaivel a Ftan. No vain mangià üna buna schoppa da giyotta, differentas tuortas e vain giodü üna flotta atmosfera da cumünanza.

Grazcha a tuots chi han güdà ed eir pella collecta a favur dals progets pel Camerun, Congo, Honduras e per l'India.



Revista «Confirmaziun»

dumengia da las Palmas, ils 13 d'avrigl 2025



A Ftan es gnü confirmà/gnüda confirmada:
Dario Vonlanthen e Soraja Bazzell


Ad Ardez sun gnüts confirmats/es gnüda confirmada:

**Fadri Thomas, Severin Tönett, Morena Mair
e Lamine Armon Bott es gnü battià e confirmà**



A Gurada sün gnüts confirmats:
David Lampert, Ravi Merchant e Raphael Lampert

La corporaziun evangelica d'Ardez-Ftan-Guarda tils/tillas giavüscha tuot il bun per l'avegnir e gratulescha eir a **Lina Schulze** e **Daan Kruit** per lur confirmaziun a Sent.






Not lunga da las baselgias 2025 a Susch

venderdi, 23 da mai a partir da las 17.00

Ingon invida la raspada da Zerne per la «Not lunga da las baselgias» e las occurrenzas han lö a Susch. A partir da las 17.00 as poja verer üna exposiziun e tadlar differents referats ed a las 21.30 ha lö ün cult divin regiunal special. Davo as haja la pussibilità da star amo ün pa da cumpagnia pro ün bun past.



Radunanza generala 2025 illa baselgia da Ftan

dumengia, 25 da mai a las 11.00




La radunanza generala da la corporaziun evangelica Ardez-Ftan-Guarda ha lö in **dumengia, ils 25 da mai illa baselgia da Ftan a las 11.00** (davo il cult divin da las 10.00).

L'invid e las tractandas sun publicadas sül plan da predgia.

Ascensiun ad Ardez

gövgia ils 29 mai a las 10.00

Quist on celebraina Ascensiun a las 10.00 illa baselgia d'Ardez cun ün cult divin cumünaivel ed ün battaisem. Davo üna cuorta meditaziun daja ün program – dadour baselgia – per grond e pitschen. Star da cumpagnia pro üna buna marenda cumpletta quist'occurrenza. Las infuormaziuns detagliadas as chatta a temp ütil sün nossa pagina d'internet e sün placats.



Concert cumünaivel illa baselgia d'Ardez

dumengia, ils 1. da gën a las 17.00



Il Cor masdà Ardez ed il orcheſter a corda «Sun e Tun» dan ün concert cumünaivel.


Sül program stan ouvras da la classica tudais-cha sper ouvras da cumponiſts engiadinais.

Masüras, Alp Laret da Ftan

dumengia, ils 6 da lügl a las 11.30

Quist on daja darcheu ün cult divin süll'Alp Laret da Ftan. No'ns allegrain da festagiar ün cult divin cumünaivel suot tschêl avert.

In cas da trid'aura ha lö la predgia a las 11.30 illa baselgia da Ftan.



Cult divin a Sur En d'Ardez

dumengia, ils 27 da lügl a las 16.00



La corporaziun invida cordialmaing eir quist on ad ün cult divin cumünaivel a Sur En. Davo il cult divin daja ün aperitiv intuorn il bugl e la pussibilità da star amo ün mumaint da cumpagnia.

Maisas da gianzar per tuots e tuottas d'Ardez e Guarda

Las prosmas maisas da gianzar han lö i'l hotel Alvatern ad Ardez:

- **mardi, ils 29 d'avrigl**
- **mardi, ils 3 da gën**
- **mardi, ils 1. da lügl**



Annunzchas, fin il plü tard il di avant, piglia incunter Erna Fontana, 081 862 23 50. Per giasts da Guarda vegn organisà il transport.

Absenzas da nossa ravarenda



Dals 11 fin als 19 da mai es nossa ravarenda absainta. Per casualias vegn ella rimplazzada da:

- **rav. Christoph Reutlinger, Tschlin, 081 866 32 63**

Dals 07 fin als 26 da lügl es nossa ravarenda in vacanzas. Per casualias vegn ella rimplazzada seguintamaing:

07 fin 13 da lügl: **rav. Helmut Gossler, Scuol, 0049 172 134 68 75**

14 fin 26 da lügl: **rav. Christoph Reutlinger, Tschlin, 081 866 32 63**

Casualias in noss cumüns

Battaisems:

Ingüns

Nozzas:

Ingünas

Mortoris:

Richard Ochsner, 5.2.2025, Ftan

Susanne Peer-Jörg, 22.2.2025, Ftan



Pravenda

Dna. rav. Marianne Strub,
Chasa da pravenda, 7546 Ardez
081 862 23 61
marianne.strub@gr-ref.ch

Secretariat

Corporaziun evangelica Ardez-Ftan-Guarda
Secretariat, Arfusch 166, 7546 Ardez
081 860 34 10
secretariat.pravenda@bluewin.ch



www.ardez-reformiert.ch

